

A2<sup>r</sup>

Dem Edelen/ Wolgebornen Herrn  
 Herrn Wolrath Graffen vnd Herrn zů Waldeck/  
 meinem Gnedigen Herrn. Vnd der Edlen  
 Wolgebornen Frewlein Anaftalie Geborne  
 von Schwartzburg/ meinem  
 Gnedigen Frewlein.

GNad vnd fride von  
 Gott dem Vatter vnd vnserm  
 Herrn Jefu Chrifto/  
 der fich felbft für vnserre  
 sünde/ nach dem rath  
 vnd willen des Vatters  
 gen hat. Gnediger Herr  
 vnd auch Gnediges Frewlein/  
 es ift eyn alt löblich herkommen/  
 das man auff Hochzeitliche  
 zeit/ Breutgam vnd Braut/  
 eyn yegliches nach feim  
 vermögen vnd Standt/  
 mit gefchencken pflegt  
 zu ehren. Des ich mich  
 dann nach gelegenheit  
 der zeit/ fachen/ vnd  
 meiner perfon/ als eyn  
 vnwürdiger Hofdiener/  
 auch fchuldig/ doch vn  
 uermöglich erkant/ Jnn  
 dem/ fo fiel mir eben ein  
 was Seneca fchreibet von  
 Elchine dem armen zůhörer  
 des künftreichen fürtrefflichen  
 meyfters Socratis/ da jm  
 feine zůhörer/ als der reiche  
 Alcibides/ vnd andere  
 wolhabende mehr/ groffe  
 gefchencken vberreychten/  
 fagt Aelchines/ ich hab  
 dir nichts/ wie du wol  
 werd vnd würdig werest/  
 zugeben/ vnd in dem  
 ftück alleyn fehe ich  
 mein armüt/ Derhalben  
 fo fchenck ich dir das  
 eynige das ich habe/  
 Nemlich  
 A ij mich

A2<sup>v</sup>

mich felbs. Diß gefchenck wölft du (bitt ich) für güt annemen/ vnd bedencken/ daß die reichen die dir vil geben/ für lich mehr behalten haben/ Socrates ant wort/ gern neme ichs zu danck an/ du haft mir eyn groß gefchenck geben/ es were deñ daß du dich felbft für nichts achteft. Ich will fleis ankeren/ das ich dich/ dir/ gelerter vnd beffer/ dann ich dich vber<sup>z</sup> ko<sup>m</sup>en habe/ widergebe. Demnach fo will ich auch ewren beyden Gnaden/ diß mein gūtmeynen/ vnd folchen meinen armen/ geringen fleis/ fouil ich nach kürtze der zeit/ inn eyner eile/ erlangen hab mögen/ fampt meinem ſchuldigen dienft/ vndertheniglich gefchenckt haben/ mit angeheffter bitt E. B. G. wöllens von mir gnedig vermercken vñ annemen. Ich hab erflich Plutarchi Cheronei des hochberühmbten Heydens Büchlein/ darin Ij. Hochzeit leer oder heußregeln/ in kurtzen gleichnuffen begriffen werden/ welche er gefchriben/ vnd folgents Polia<sup>z</sup>no vnd Eurydice dazumal Breutgam vnd Braut auff die Hochzeit/ beyden gemeyn/ gefchenkt hat/ verdeutchet/ vnd mit fleis/ das folchs one verletzung der ohren vnd hertzen gelesen/ vnnd gehört möcht werden/ fouil möglich/ vnd dem Argument leidlich/ verhütet/ auch vil/ was vnſchicklich/ gar vberſchritten vnd außgelaffen/ denn es nicht alles in vnferer ſprach/ wie in andern ſich mit zucht hat leiden wölln. Zum andern hab ich etliche Sprüch vnd Exempel/ die ich hin vnd wider auß der Heyden Bücher genommen/ zu gemeyner haußzucht dienen/ zufamen gelesen/ vnd hinan gehengt. Zum dritten

A3<sup>r</sup>

dritten fchöne exempel/ gebot/ verbot/ vnd Sprüch  
 der heyligen fchrifft/ als wolrichende Rofen in eyn  
 püfchlein/ ja handtbüchlein vnd haußtäfelin/ in  
 groffer eil zu famen gerafft/ Vnd wie wol diß ftück  
 das erfte het fein/ vnd vorn an ftehn follen/ hab ichs  
 doch willfentlich gethan/ damit man fehe das Gott  
 in feim aller heyligften wort/ was den Eheftandt  
 belangt/ eben das/ was die vernunft/ vnd die Hey  
 den auß dem liecht der natur/ leren/ auch gebeut vñ  
 haben will/ Auff das niemand vber Gott/ als fei  
 fein Gefetz hierin dem Gefetz der natur zu wider  
 vnd nicht gemeß/ zuklagen habe. Dife drei ftück zu  
 gleich leren wie fich Eheleut gegen eynander ehr-  
 lich/ fanfft/ ftill/ fridlich/ fittfamlich/ eynig/ gehor-  
 fam/ auffrichtig vnd wol halten follen/ Nicht das  
 E. B. G. die Gott beyder feits mit hohem/ löblich-  
 em/ Chriftlichem verftandt/ für andern herfchaff-  
 ten begabt/ fólcher lehr bedürffen/ fonder das inn  
 ewern Gnaden namen/ den armen eynfeltigen ge-  
 raten vnd gedienet würde. Dieweil denn der grof-  
 fe/ ewige Gott E. B. G. alfo/ nach feinem willen/  
 raht vnd ewiger verfehung/ zum Eheftandt/ gefü-  
 get/ ift fichs darinne/ fonderlich die weil fie (welchs  
 das größte vnd höchfte ift) beyde Gottfürchtig/ vnd  
 dem reynen wort eynheylig geneygt/ alles güts/ fri-  
 dens/ legens/ zeitliches vnd ewiges gedeiens zu hof-  
 fen. 3û dem fo ifts auch eyn güt eufferlich Omen vñ  
 zeychen (wie wol es nicht allweg fchleußt/ ift es  
 doch vermütlich vnd fálet felten/ dauon das fprich-  
 wort erwachfen/ der Nam ift güt) das E. B. G.

A iij fo

A3<sup>v</sup>


---

fo herlich namen haben/ als VVOLRATH  
 vnd ANASTASIA. VVOLRATH  
 der name ſchleußt in ſich alles was zu eynem Regi-  
 renden Herrn gehöret/ als nemlich/ Gewalt/ Weiß-  
 heyt vnd Gottes forcht/ GEVVALT: dadurch  
 die böſen getroffen/ vnd die frommen geſchützt wer-  
 den. VVEISHEYT: Dadurch die armen  
 vnderthanen/ landt/ leut/ Stedt vnd Dörffer/ mit  
 gūten Gefetzen/ zeitigem wolbedachtem rath/ vnd  
 gericht regiret werden/ GOTTESFORCHT  
 aber? Dadurch Gott geehret/ ſein reynes wort ge-  
 fördert/ die kirchen begabt/ nicht beraubt/ vnd ge-  
 lerte Prediger erhalten werden. Welche ſtück inn  
 E. G. perſon höchlich gerümet werden/ Gott wöl-  
 le es mehr vnd erhalten. Solchen heerlichen Na-  
 men haben vor zeiten die ſtreitbaren Helden auch  
 gehabt/ darumb Vlyſſes der Griechiſche Fürft wird  
 oft von Homero genent πλῦμητις prudens/ ple-  
 nus confilio. Demnach mag E. G. wol mit der that  
 (wie ich hör) πολῦμητις aber εὐμητις: das iſt: voll  
 vnd Wolrath/ heyffen vñ zum gemeynen nutz dazū  
 ſie beruffen/ wenden. Jeſus Syrach ſagt am 41. ca-  
 pittel/ Golt vnd Silber erhalten eyn man/ aber vil  
 mehr eyn gūter rath/ Da her dient dann ſein der  
 Stern den E. G. im Wappen fūret/ Stern bedeut  
 ſonſt in der ſchrift das liecht/ reynheyte vnd die klar-  
 heyt des Euangelij/ damit E. G. auch reichlich be-  
 gabet vnd von Gott begnadet iſt. Dieweil es aber  
 eyn ſchwartzter finfter Stern iſt/ ſo bedeut er eyne  
 begrabene/ verdeckte/ heymliche verborgene weiß-  
 heyt/

A4<sup>r</sup>

heydt/ die in eynem Regenten (gleich wie das Golt  
in den schlacken/ vñ das feuer im ftahel) im hinder  
halt fein/ vnd fo es von nöten/ sich herfür thun/ vnd  
sehen laffen foll.

ANASTASIA aber der nam schleußt in sich/  
den herlichften/ schönften/ tröstlichften artickel vn  
fers glaubens/ von der auffertehung/ heißt refur=  
gens Eyne die auffteht/ Dadurch sich E. G. in  
sonderheytt: wie dann sonft in gemeyn alle Christen:  
hab zweyerley auffertehung zuerinnern. Eyne/  
die täglich im leben geschehen foll/ fo man von sün=  
den/ dieweil wir offft/ vil vnd vnzählich fallen/ auff=  
fteht/ dauon das Sprichwort sagt/ fallen ist keyn  
schandt/ sondern nicht wöllen aufftehn. Jtem fal=  
len ist menschlich/ nit wöllen aufftehn ist teuflisch.  
Die ander nach difem zeitlichem tode am jünften ta  
ge zum ewigen leben/ wenn Christus komen wird/  
tode vnd lebendige zu richten. Auß der deutung  
kan E. G. im gantzen leben/ fo offft sie den namen  
hört nennen/ lernen büßen/ gleuben/ vñ sonderlich  
am todbeth der frölichen auffertehung als eyne  
Christin sich trösten. Dazû reimpt sich denn fein der  
Lew den E. G. im Wappen füret/ der auch die auf  
fertehung deutet/ dann das ist die natur des Le=  
wens nach dem er seine junge todt geworffen vnd ge  
boren hat/ geht er dauon/ vber drei tag kompt er wi  
der/ vnd mit feim heilslichem greulichlichem geschrey  
erweckt er die selben/ das sie lebendig werden/ dar=  
umb ist auch von den alten schriftuerftendigen vnd  
Theologen/ der Euangelift Marcus eynē Lewen/  
darumb

A4<sup>v</sup>

---

darumb das er für andern von der aufferftehung  
Chriffti/ welche am dritten tag gefchehen/ gefchribē/  
verglichen würden. Difen gūten Ominibus vnd  
zeychen nach/ gebe Gott/ das E. B. G. difen hey-  
ligen Gottes ftandt im Glauben/ forcht/ gebet vnd  
mit fride vnd fegen anfahen/ eyntrechtig/ als Chri-  
ften hinaus führen/ kinder vnd Kindes kinder  
fehen/ vnd letztlich driñ felig werden/  
Amen. Geben zů Rudel-  
ftadt. Anno 7c. 46.

E. B. Gnaden  
Gehorfamer.

Albertus Draco  
vnwürdiger die-  
ner Jefu Chriffti.